

ԱՆԻ ՄԱՅՐՏԱՃԱՐԻ ԱՐՃԱՆԱԳՐՈՒԹՅԱՆ ՀԱՄԱԺԱՄԱՆԱԿՑԱՍԱՐԵԹՎԵՐԸ

Ա.Հ.ՎԱՐԴԱՆՅԱՆ

Անի քաղաքի կաթողիկէ եկեղեցու շինարարական արձանագրութիւնը փորագրվել է հարավային ճակատի արեւմտյան անկյունում: Ներկայացնենք արձանագրութիւնը:

«Ի Նժ (450) թ[ուին կամ թուականին] հայոց, Մ[իթ]¹ (222) թ[ուին կամ թուականին]... հռոմոց, ՅԴԳ (393) ամին գէրք², ի ժամանակս աստուածապատիւ եւ հոգեւոր տեառն Սարգիս հայոց կաթաղիկոսի եւ ի մեծափառ թագաւորութեանն Գագկա[յ] հայոց եւ վրաց շահանշահի, եւ Կատրամիդէ հայոց թագունի, դուստր Վասակա[յ] Սիւնեաց թագաւորի յողորմութիւնն աստուծոյ ապաւինեցա եւ հրամանաւ առն իմ[յ] Գագկա[յ] շահանշահի շինեցի գուրբ կաթաղիկէս, գոր, էր հիմնադրեալ մեծին Սմայատա[յ] եւ կանգնեցաք տուն աստուծոյ նորոգ եւ կենդանի ծնունդ հոյգեւոր եւ արձան մշտնջենաւոր, զարդարեցի եւ զարդիւք պատուականաւք նուէրք ի Քրիստոս եւ զարմից իմ եւ որդոց՝ Սմայատա[յ], Աբասա[յ] եւ Աշոտ[յ]: Հրամայեալ եմ եւ տէր Սարգիս սպասաւորաց եկեղեցոյս, յետ էլից բարեպաշտ թագունոյս զվարդաւարին յիսնեակս միով քառասունիւ կատարել անխափան մինչեւ ի գալուստն Քրիստոսի: Եթէ որ զարձանագրեալդ անփոյթ առնէ դատապարտեալ եղիցի ի Քրիստոս: Ի վեց ՌՆԼ եւ Գ(6433) ամացն Ադամա[յ], ի Ռ եւ ԲԺ (1012) ամի մարմնանալ[յ] աստուածն (կամ աստուածային) բանի, ԶԺԱ՝ (711) ամի հաւատալ[յ] ի Քրիստոս հայոց: Գրեցաւ յիշատակարանս ի ձեռն իմ Բենէ»⁴:

Անիի մայր տաճարի արձանագրութիւնը հրատարակել են Հ.Շահխաթունյանցը,¹ Ս.Ջալալյանցը, Ն.Սարգսյանը, Ղ.Ալիշանը, Մ.Գեորգիանցը, Կ.Բասմաճյանը, Հ.Օրբելի:² Արձանագրութեան համաժամանակյա տարեթիւերին իրենց ուսումնասիրութիւններում անդրադարձել են Ղ.Ալիշանը, Ն.Մառը, Կ.Բասմաճյանը, Ն.Ալիքյանը, Ալ.Աբրահամյանը, Ա.Մանուկեանը, Ս.Ավագյանը եւ Պ.Մուրադյանը:

¹ Բնագրում ՄԺԲ: Ուղղումը մերն է:

² Գրված է երեք փակագրերով, որոնց մեկնութիւնը կտրվի հողվածում:

³ Բնագրում ՉԸԺԱ: Ուսումնասիրողները կարդացել են ՉԸԺ, ՉԸԺ եւ ՉԺԱ:

⁴ Հ.Օրբելի, Դիվան հայ վիմագրութեան, պր. 1, Ե. 1966, էջ 35, լուսանկար, տախտակ XIII: Հ.Շահխաթունյանց, Ստորագրութիւն կաթողիկէ էջմիածնի եւ հինգ զաւառացն Արարա-տայ, հ. 2, էջմիածին, 1842, էջ 353-354, Ս.Ջալալեանց, ճանապարհորդութիւն ի Մեծն Հայաստան, մասն Բ, Տիգրիս, 1858, էջ 5, Ն.Սարգսեան, Տեղագրութիւնք ի Փոքր եւ ի Մեծ Հայս, Վենետիկ, 1864, էջ 117-118, Ղ.Ալիշան, Շիրակ, Վենետիկ, 1881, էջ 67-70, Մ.Գեորգեանց, Համառոտ տեղագրութիւն հնութեանց Մեծին Շիրակա եւ մայրաքաղաքին Անույ, Ալեքսանդրապոլ, 1903, էջ 34, K. Basmadjan, Les inscriptiers armeniennes d'Ani, de Bagnairet de Marmachen, Paris, 1931, p. 8; Հ.Օրբելի, նշվ. աշխ., էջ 35, տախտ. XIII:

⁵ Ղ.Ալիշան, նշվ. աշխ., էջ 67-70; H. Mapp, Аш., Л.-М., 1934, с. 121; K. Basmadjan, Op. cit. №8, նույնի՝ Անիի արձանագրութեանց առթիւ (Հանդես ամսօրյա, 1932, № 7-9, էջ 536-539), Ն.Ալիքյան, Անիի մայր եկեղեցւոյ եւ միջնաբերդի եկեղեցւոյ արձանագրութիւններու մասին (նույն տեղում, էջ 539-541), Ալ.Աբրահամյան, Ժամանակադրական ճշգրտումներ (նույն տեղում, 1978, էջ 158-161), նույնի՝ Հայոց գիր եւ գրչութիւն, Ե., 1973, էջ 129, Ա.Մանուկեան, Քննութիւն Հայաստանի IV-XI դարերի շինարարական վիպագրերի, Ե., 1977, էջ 207-209, Ա.Ավագյան, Անիի մայր տաճարի

Անիի մայր տաճարի շինարարական արձանագրության փաստագրված Համաժամանակյա տարեթվերը մինչև այժմ ըստ էության չեն մեկնաբանվել, ինչպես Հատկապես արձանագրության, այնպես էլ ընդհանրապես Հայ մատենագրության մեջ գրաված տարբեր թվականության Համակարգերի օրինաչափությունները թերի դիտարկելու հետևանքով: Այդ է հիմնական պատճառը, որ Անիի կաթողիկեի հիմնադրման ավարտի և բնագրի փորագրման ժամանակի վերաբերյալ կան Հակասական տեսակետներ: Համաժամանակյա թվականների ստուգման և ճշտման մեր կողմից առաջադրված եղանակը Հնարավորություն է տալիս բացահայտել Անիի մայր տաճարի արձանագրության առեղծվածային թվացող տարեթվերը:

Հետադոտության նպատակն է նորովի վերծանել և լիովին մեկնաբանել արձանագրության Համաժամանակյա տարեթվերը: Այն Հնարավորություն է տալիս Հստակություն մտցնել նաև Անիի Կաթողիկեի մասին եղած մատենագրական վկայությունների մեջ: Նախքան Համաժամանակյա թվականների վերլուծության անցնելը անհնձ մի քանի դիտողություն արձանագրության վավերականության հռոմեական փոքր թվականի օրինաչափությունների և Համաժամանակյա տարեթվերի դասակարգման մասին: Դրանք այն նախադրյալներն են, որոնց վրա հիմնվելու են մեր հետևությունները:

Բնադրի վավերականության վրա կասկած է հայտնել Ն.Մառը, այն Համարելով XII դ. վերջի և XIII դ. ընդօրինակություն: Ն.Մառը, Ն.Ալիսյանը⁹ և Պ.Մալադյանը ենթադրել են, որ Անիի կաթողիկեի արձանագրության մեջ առկա է վրացական քրոնիկոնի տարեթիվը: Այս ենթադրությունը թեև նրանք չեն հիմնավորել, սակայն Հարկ ենք Համարել անդրադառնալ վրացական քրոնիկոնի թվականին՝ դրանից բխող հետագա թյուրիմացություններից խուսափելու Համար: Պետք է նշել, որ Հայ մատենագրության մեջ վրացական քրոնիկոնի մեծ թվականը, իրեն Համաժամանակյա տարեթիվ, չի փաստագրվել: Հայերեն գրչագիր հիշատակարաններում վրացական քրոնիկոնի փոքր թվականի (սկիզբը՝ 1313թ.) կիրառության մեկ օրինակ, իբրև Համաժամանակյա տարեթիվ, գտել ենք Թեմիսիոսի XV դ. ընդօրինակած ձեռագրում¹⁰, որն այդպես էլ անվանվել է, այն է՝ քրոնիկոնի թվական: Պարզ է, որ Հայերեն ձեռագիր և վիմագիր մատյաններում վրացական քրոնիկոնի թվականները (մեծ և փոքր) երբեք հռոմեական չեն անվանվել: Անիի արձանագրության մեջ տեղ է գտել հռոմեական փոքր թվականը: Ի դեպ, Հովհաննես Սարկավազն այդպես էլ անվանում է, այն է՝ «Հռոմայեցոց փոքրն»¹¹: Այն երբեք չէր կարող փոխարինել վրացական քրոնիկոնի մեծ թվականին, թեև վրացական քրոնիկոնի մեծ թվականը փոխառություն էր հռոմեական փոքր թվականի: Դրանք ստեղծվել են տարբեր հիմքերի վրա՝ մեկը Հուլի հիմնադրման, մյուսը՝ արարչության թվականի վրա:

շինարարական արձանագրության տարեթվերը, Վիմագրական պրպտումներ, Ե., 1986, էջ 16-26, Մ.Մյրաթյան, Хронология систем летоисчисления по армянским источникам "Грузинский хронолог", Кавказ и Византизм, Е., 1988, с. 61-71:

⁹ Ռ.Հ.Վարդանյան, Անանիա Շիրակացու հետադոտությունների մեկնության յուրյը և մի քանի տոմարական-ժամանակագրական Հարցեր (Պատմա-բանասիրական Հանգես, 1981, № 1, էջ 195-201):

¹⁰ Н.Мапп, нзв. ачл., էջ 121:

¹¹ Ն.Ալիսյան, նշվ. աչл., էջ 539-541, Մ.Մյրաթյան, նշվ. աչл., էջ 61-71:

¹² ԺԵ գրքերի Հայերեն ձեռագիր հիշատակարաններ, մաս 2, Ե., 1958, էջ 169:

¹³ Հովհաննես Իմաստասերի մատենագրությունը, Ե., 1956, էջ 278:

Հայ մատենադիրները Հռոմեական (Հռոմայեցոց փոքրն, Հռոմոնց, Հռովմին շրջանին, Հռոմին, Հռովմեացւոց, Հռոմեացւոց՝ և այլն) թվական ասելով ընկալել են Հռոմի Հիմնադրման 2-րդ և մասամբ 3-րդ հազարամյակի թվականները, այն է՝ մեծ, փոքր, փոքրագույն, որոնք Հռոմի Հիմնադրման թվականի օրինական շարունակություններն էին 532-ամյա պարբերաշրջաններով: Հայ մատենագրության մեջ Հռոմի Հիմնադրման միատիկ թվականի կիրառման վկայություններ գտնում ենք V-VIII դդ. և հետագայում, Հռոմեական մեծ թվականի՝ IX-X դդ., Հռոմեական փոքր թվականի՝ XI-XIII դդ. (մինչև 1185թ. Մխիթար Գոշի Դատաստանագրքի հիշատակարանը, որից հետո մեզ Հայտնի չէ), Հռոմեական փոքրագույն թվականի՝ XVII դ. ընթացքում:

Ակնհայտ է, որ վրացական քրոնիկոնի թվականի փաստով անհնար է Անիի կաթողիկեի շինարարական արձանագրության վավերականությունը կասկածի տակ առնել: Տեսնենք՝ Հռոմեական փոքր թվականը մյուս համաժամանակյա տարեթվերի հետ ինչ օրինաչափություններ է դրսևորվում:

Հիշատակենք XIII դ. Հայկական սկզբնաղբյուրներից մի քանի վկայություններ¹² Համոզվելու համար Հռոմեականի փոքր տարբեր թվականության համակարգերի իրար հետ ունեցած փոխառնչությունների մեջ:

Վերոհիշյալ համաժամանակյա տարեթվերը կունենան հետևյալ տեսքը:

Աղյուսակ 1

Թիվ	Ջուզահեռ. թվականներ	Թվերից առացված մնացորդ- ները	19-ամյակի հմպտ. լուսնի լրման տարին	19-ամյակի 1-ին տարվա լուսնի լրումը
1	2	3	4	5
1.	333 (Հռոմեական փոքր թվական)	10	A4	A13
	29 (Հայոց փոքր կամ Սարկավազադիր թվ. արեգի 11, չորեքշաբթի)	10	A4	A13
	1867 (Հռոմի շինության թվական)	5(+5)	A4	A13
	830 (Դիոկղետիանոսի էրա)	13(-1)	A4	A5(6)
	1163 (Անաիոքի շինության թվական)	4(-2-1=-3)	A4	A4
	1425 (Կյուրղոսի շին. թվական)	19(+1)=1	A4	A4
	1115 (Քրիստոնեական Հայկ. թվական)	13(-2-1=-3)	A4	A13
	6313 (Արարողություն 70-ից թվական)	5(-4)	A4	A4
	562 (Հայոց մեծ թվական) նավասարդի 27, չորեքշաբթի	11(-1)	A4	A13
	1889 (473 օլիմպ. 1-ին տարին)	8(+1)	A4	A2
	1113 (Քրիստոնեական դիոնիսյան կամ ներկա թվական), մարտի 19, չորեքշաբթի	11(-1)	A4	A13

¹² Նույն տեղում: Վենետիկ, Մատենադարան, ձեռ. №314, էջ 216, Մաշտոցի անվան Մատենադարան (այսուհետև՝ ՄՄ), ձեռ. №5602, էջ 268 և 272 բ, ձեռ. № 488, էջ 12 բ-13 բ:

1	2	3	4	5
2.	89 (Սարկավազադիր թվական)	13	A1	A13
	393 (Հոռմեական փոքր թվական)	13	A1	A13
	1173 (Քրիստ. դիոնիսյան թվական)	14(-1)	A1	A13
3.	627 (Հայոց մեծ թվական)	19 (-1)	A5	A13
	94 (Սարկավազադիր թվական)	18	A5	A13
	1179 (Քրիստ. Հայկ. թվական)	1(-1-1-2)-18	A6	A13
	398 (Հոռմեական փոքր թվական)	18	A6	A13
	1178 (Քրիստ. դիոնիսյան թվական)	19 (-1)	A6	A13
4.	633 (Հայոց մեծ թվական)	6	A18	A13
	101 (Սարկավազադիր թվական)	6	A18	A13
	405 (Հոռմեական փոքր թվական)	6	A18	A13
	1185 (Քրիստոնեական դիոնիսյան թվական)	7(-1)	A18	A13

Ինչպես նկատելի է, փաստարկված բոլոր տարեթվերում Հոռմեական փոքր և քրիստոնեական դիոնիսյան թվականների տարբերությունը 780 է: Հոռմեական փոքր և քրիստոնեական Հայկական թվականների տարբերությունը 782 (1-ին օրինակ) և 781 է (3-րդ օրինակ): Կարող է պատահել նաև 783, 784: Այսպիսով՝ Հոռմեական փոքր թվականը քրիստոնեական դիոնիսյանի կամ ներկա թվականի վերածելիս տարբերությունը միշտ ավելի փոքր է, քան քրիստոնեական Հայկական թվականների դեպքում: Դա օրինաչափ է, քանի որ քրիստոնեական Հայկական թվականի բոլոր տարբերակներով Քրիստոսի ծննդից մինչև տվյալ թվականը Համարել են մեկ, երկու և երեք (չորս) տարով ավել, քան քրիստոնեական դիոնիսյան թվականով: Ակնհայտ է, որ ուսումնասիրողների կողմից Հոռմեական փոքր թվականից քրիստոնեական դիոնիսյան թվական ստացած թվերը, այսինքն՝ տարբերությունները, որ գումարվել են նրան (781-ը ըստ Ն.Ակիսյանի, 779-ը, 783/4-ը ըստ Աշ. Աբրահամյանի ևն), ընդունելի չէ: Հոռմեական փոքր թվականը ժամանակակիցի վերածելու Համար միշտ տված թվականին պետք է գումարել 780:

Կասկածից վեր է, որ Անիի արձանագրությունը փորագրել է Բենեն: Դա ընավ չի նշանակում, որ արձանագրության տարբեր մասերում վկայված Համաժամանակյա տարեթվերը մեկ խումբ են կազմում:

Անիի կաթողիկեի արձանագրության մեջ փաստագրվել է երկու խումբ Համաժամանակյա տարեթվեր: Դրանք, մի կողմից, գրվել են արձանագրության տարբեր մասերում, մյուս կողմից, այդ երկու խումբ Համաժամանակյա տարեթվերը տարբեր թվականության Համակարգերով արտահայտել են երկու թվական: Դրանց ապացույցները արձանագրության թվականների մեջ են: Այսպես՝ արարողության Ե-եակ թվականից, այն է՝ 6433-ից, որն առկա է բնադրի 2-րդ հատվածում, հանենք 5976 (արարչությունից մինչև Հայոց մեծ թվականն ընկած ժամանակահատվածը, ըստ մատենագրական-առարարական

բնագրերի), կստանանք 457 (6433-5976) մեծ թվականը: Ակնհայտ է, որ առաջին խմբում վկայված Հայոց մեծ թվականները, այն է՝ 450-ը և 457-ը, Համարժեք չեն միմյանց: Ուշագրավ է, որ Հայոց 457 թվականը վկայել է Հովհաննես Իմաստասերը իր Ժամանակագրության մեջ, որի մասին՝ ստորև:

Առաջին տողում վկայված 450-ին՝ Հայոց մեծ թվականին, գումարենք 5976, կստանանք 6426, որն Համարժեք չէ 6433-ին: Դրանք տրված են կամ ստացված արարողության Ծեակ թվականով և ունեն յոթ տարվա տարբերություն (6433-6426=7):

Հոռմեական փոքր թվականի օգնությամբ, որտեղ է գտել բնագրի 1-ին մասում, ստանալով քրիստոնեական դիոնիսյան թվականը, այն է՝ 999(219+780)¹⁵, տեսնում ենք, որ այն Համարժեք չէ վկայված 1012-ին՝ քրիստոնեական Հայկական թվականին: Պարզ է, որ արձանագրության մեջ գործ ունենք երկու խումբ տարբեր թվականության Համակարգերով արտահայտված տարեթվերի հետ:

Բնագրում Համաժամանակյա տարեթվերի 1-ին խումբը արձանագրվել է առաջին տողում, այն է՝ «Ի ՆԾ Թ(ուին) Հայոց ՄԺԹ Թ(ուին) Հոռմոց, ՅԶԳ ամին գէբր»:

Դառնանք վկայված թվականների վերլուծությանը: Հայոց մեծ թվականը, այն է՝ ՆԾ-ն (450) հստակ վերծանվում է: Ուսումնասիրողներին այն դժվարություն չի հարուցել: Ղ.Ալիշանը «Շիրակ» աշխատության մեջ Հայոց մեծ թվականն ընկալել է ՆԾ (450)¹⁶, սակայն արձանագրության մեջ թողել է ՆԾԹ (459)¹⁷, Ա.Աբրահամյանը Ղ.Ալիշանի առաջին տեսակետը անտեսել է և նախընտրել երկրորդը: Նա նույնպես Հայոց մեծ թվականը կարդացել է ՆԾԹ (459)¹⁸: Այս վերծանության դեմ Համոզիչ կերպով առարկել է Ս.Ավագյանը: Նա գրել է. «Այս մեկնությունն (ՆԾԹ կարդալը-Ռ.Վ.) անընդունելի է, քանի որ հենց Հաջորդ տարեթվում ևս նույն թ գիրը, նույնպիսի իրադրության մեջ կիրառված է իբրև Թուին, Թուականին բառերի նախահունչ գիր՝ ՄԺԹ Թ Հոռմոց: ակնհայտ է, որ այստեղ Թ-ն չէր կարող նշանակել 9 թիվ, այլ միայն՝ Թուին, Թուականին»¹⁹: Այս դիտողությունը բխում է արձանագրության ներքին տրամաբանությունից: Ասենք միայն, որ Ա.Աբրահամյանի տեսակետն արդյունք է այն բանի, որ արձանագրության բոլոր տարեթվերն ընդունել է իբրև մեկ թվականի փոխադրության տարբեր թվականության Համակարգերով, որն, ինչպես տեսանք, հերքվում է տարեթվերը երկու խմբի բաժանելիս:

Կասկած չի հարուցում այն, որ արձանագրության մեջ գրված է «Ի ՆԾ (450) Թ(ուին կամ Թուականին) Հայոց»:

Ժամանակակից տարեթիվը վերծանելու համար Հայոց մեծ թվականին, այն է՝ 450-ին, պետք է գումարել 551 կամ 552, քանի որ 450-ի ամսաթիվը Հայտնի չէ: Ուսումնասիրողները մինչև այժմ 450-ին գումարել են 551 և ստացել 1001 թվական: Արձանագրության այլ թվականների (Հոռմեական փոքր, Հիջրայի, արարչության Ծեակ, քրիստոնեական Հայկական են) հետադոտության ժամանակ կտեսնենք, որ 450-ին պետք է գումարել 552: Հարկ է նշել, որ Հայկական տոմարական բնագրերում քրիստոնեական թվական

¹⁵ Եփեսո՝ 1002 թվական (222+780):

¹⁶ Ղ.Ալիշան, նշվ. աշխ., էջ 67-70:

¹⁷ Նույն տեղում:

¹⁸ Ա.Աբրահամյան, Ժամանակագրական ճշտումներ, էջ 158-161, նույնի՝ Հայոց գիր և գրականություն, էջ 129:

¹⁹ Ս.Ավագյան, նշվ. աշխ., էջ 17:

ստանալու համար ասվում է, որ պետք է վերցնել Հայոց թվականը, գումարել 552 (ուշ շրջանում նաև 553), կստանանք Քրիստոսի թվականը¹⁸: Այսպես են մտածել և գործել արձանագրությունը կազմող հեղինակները (Ասողիկ, Հովհաննես, Կոզեռն ևն)¹⁹: Նրանք ելել են Հայոց Ծ-հակի Հռոմեացոց շարքի օրինաչափություններից, ինչպես և Հայոց մեծ թվականի տոմարական կանոնից: 450-ին գումարելով 552, ստանում ենք 1002 թվականը:

Երկրորդ տարեթիվն արձանագրության մեջ տեղ է գտել «ՄԺԹ(219) թ(ուին) Հռոմոց»: Ն.Ա.Կիրյանը Հռոմեական փոքր թվականը վեր է ածել ժամանակակցի, այն է՝ 1000-ի՝ 219-ին գումարելով 781²⁰: Ինչպես վերը տեսանք, Հռոմեական փոքր և դիոնիսյան թվականների տարբերությունը 780 է: Տված թվին գումարելով 780, ստանում ենք 999 (219+780)՝:

Աշ.Աբրահամյանը Հռոմեական փոքր թվականի համար առաջարկել է չհիմնավորված երկու տարբերակ, այն է՝ փաստագրված «ՄԺԹ»-ի վերջին թ-ին տալ թվի նշանակություն, որն ընդունելի է: Հնարավոր է երկու միավոր միևնույն տեղում միանգամից միավոր-թիվ կարդալ: Նա միաժամանակ կարծել է, որ ՄԺԹ-ն պետք է սրբագրել ՄԻԹ, որը հիմնավորված է: Աշ.Աբրահամյանը 228-ին (իր սրբագրած 229-ի փոխարեն) գումարել է 783/4 (իր հաշվումներով դուռն 779/780-ի փոխարեն) և ստացել 1011/12 թվական²²: Հռոմեական փոքր և դիոնիսյան քրիստոնեական թվականների տարբերությունը 780 է, ուստի վերոհիշյալ թվերն ընդունելի են: Դժվար է նկատել, որ գրողը Հռոմեական փոքր թվականը տալիս սխալ է թույլ տվել: Այն ուղղելի է, երբ դիտարկում ենք Հռոմեական փոքր և Հայոց մեծ թվականների օրինաչափությունները: Հայկական տոմարական քննադրերում²³ թվականի կանոն տալիս ասվում է, որ պետք է վերցնել Հայոց մեծ թվականը, հանել 228 (ուշ շրջանում 229), կստանանք Հռոմեական փոքր թվականը կամ Հռոմեական փոքր թվականին գումարել 228 (ուշ շրջանում 229), կստանանք Հայոց մեծ թվականը: Վերը քննարկած աղյուսակից երևում է, որ Հայոց մեծ և Հռոմեական փոքր թվականների տարբերությունը 228 է, Հայոց մեծ թվականին 552 գումարելու դեպքում և 229-ը՝ 551-ի: Արձանագրության մեջ վկայված 450-ից հանենք 219-ը, կստանանք 231, մինչդեռ՝ այն պետք է լինի 228/9: Փորագրողի սխալը երևում է 19-ամյակի վրա վերոհիշյալ թվերի բաժանումից ստացված մնացորդներից, եթե 450-ը բաժանենք 19-ի, մնացորդը կստանանք 13, իսկ 219-ի բաժանելուց ստացված մնացորդը 10 է: Մինչդեռ վերոհիշյալ աղյուսակից պարզ է դառնում, որ Հայոց մեծ և փոքր Հռոմեական թվականների բաժանումից ստացված մնացորդները կամ պետք է հավասար լինեն միմյանց (552 գումարելու դեպքում), կամ Հայոցի մնացորդը պետք է լինի Հռոմեականից մեկով ավելի (551 գումարելու դեպքում): Ի դեպ, Հայոց և Հռոմեական մեծ և փոքր թվականների

¹⁸ ՄՄ, ձեռ. 1999, էջ 22ա-բ, 62ա, 68ա, 192ա, 213ա, 214բ, ձեռ. 1973, էջ 60ա, ձեռ. 2001, էջ 4ա, 16ա, 30ա, ձեռ. 3082, էջ 383ա, ձեռ. 1114, էջ 5ա-10բ, 105ա:

¹⁹ Սահփանոսի Տարօնեցւոյ Ասողկան Պատմութիւն տիեզերական, Ս.Պետերբուրգ, 1885, էջ 82-83, ՄՄ, ձեռ. 1999, էջ 27ա, 67բ, Մ.Ջամգեան, Պատմութիւն Հայոց, Հ. 2, Վենետիկ, 1785, էջ 509:

²⁰ Ն.Ա.Կիրյան, նշվ. աշխ., էջ 539-541:

²¹ Եթե Հռոմեական փոքր թվականը ստույգ համարենք, ապա կստանանք 999 (219+780): Այս դեպքում պետք է ընդունենք, որ Հայոց մեծ թվականը սխալ է, որը քիչ հավանական է:

²² Աշ.Աբրահամյան, Ժամանակագրական ճշտումներ, էջ 158-161, նույնի՝ Հայոց դիր և դարձություն, էջ 129:

²³ ՄՄ, ձեռ. 2001, էջ 21բ, 30ա, 1114, էջ 12բ, Հովհ. Իմաստասերի մատենագրությունը, էջ 210, 226, 234 են:

19-ամյակների 1-ին տարին նույնն է, այսինքն՝ լուսնի լրումը երկուսի 1-ին տարում սկսում է A13-ից:

Վերն ասվածից երևում է, որ Հռոմեական փոքր թվականը փորագրելիս թույլ է տրվել երեք տարվա սխալ: «ՄԺԹ» թ(ուին) Հռոմոց»-ը պետք է սրբագրել «ՄԻԲ» թ(ուին) Հռոմոց» (222-ին դամարենք 780, կստանանք 1002 թվական):

Հաջորդ Համաթամանակյա տարեթիվը նույնպես տարբեր կարծիքների տեղիք է տվել: Բանն այն է, որ արձանագրության առաջին տողի վերջում առկա են Հայերեն տառերով գրված երեք փակագրեր: Առաջին փակագիրը մյուս երկուսից անջատված է վերջակետով, որը և ցույց է տալիս նրա թվական լինելը: Ուսումնասիրողները վերջակետը չեն նշմարել, սակայն կռահել են, որ այն Հիջրայի թվականն է: Վերջինս, կրոնական նկատառումներով, տրված է փակագրով: Երկրորդ փակագիրը Ղ.Ալիշանը կարդացել է ամին: Ուսումնասիրողներն ընդունել են այդ ընթերցումը: Երրորդ փակագիրը Աշ.Աբրահամյանը իրավամբ վերծանել է ԳԷԲԲ (անհավատ, հեթանոս)²⁴:

Ն.Ակինյանը առաջին փակագիրը կարդացել է աջից ձախ գրությամբ և վերծանել 87(390)²⁵: Այդ վերծանումն իրավացի առարկել են ուսումնասիրողները: Աշ.Աբրահամյանը առաջին փակագիրը ընթերցել է ձախից աջ գրությամբ և վերծանել ՆԲ(402)²⁶: Եթե փակագիրը կարդանք ձախից աջ, նկատվում են Ն, Ե, Բ տառերը, ինչպես նշել է Ս.Ավագյանը²⁷, սակայն փակագիրը, ձախից աջ կարդալով, մի կողմից, ղրկվել է իմաստից, մյուս կողմից, ձախ մասում եղած ստեղծ անտեսվել է: Վերջապես՝ առաջին տողի Համաթամանակյա տարեթվերին չի Համապատասխանում: Հետևաբար՝ ՆԲ(402) կարդալը ընդունելի է:

Առաջարկում ենք առաջին փակագիրը կարդալ գլխավոր շրջված՝ ձախից աջ գրությամբ: Այս դեպքում առկա է 87Գ (393) թիվը, որը Հաստատվում է նաև Հաշվումներով՝ ըստ Հ.Բաղդասարի առաջարկած Հիջրայի թվականից ներկա թվական գտնելու բանաձևի²⁸, $393+621-393/33=1003$, մնացորդ՝ 30:

1003-ից, ինչպես նշել է Հ.Բաղդասարը, պետք է Հանել ստացված մնացորդը: Պարզ է, որ Հիջրայի 393 թվականը Համարժեք է ներկա 1002/3 թվականներին՝ ըստ Հ.Բաղդասարի առաջարկած բանաձևի՝ $1002-621+(1002-621)/32=392$, մնացորդ՝ $29\approx 393$: Ծանոթացի կլինեն 392 թվականը: Այլ խոսքով, փակագիրը վերծանվում է «87Գ (393) ամին գէբը», այսինքն՝ Հիջրայի 393 թվական, որը Համարժեք է 1002/3թթ.:

Այսպիսով՝ Անիի կաթողիկեի արձանագրության առաջին տողի երեք Համաթամանակյա թվականներով ստացվում է ներկա 1002 թվականը:

Արդ՝ տեսնենք որքանով է այդ թվականը Հաստատվում մատենագրական վկայություններով: Անիի մայր տաճարի կառուցմանը և ավարտին ականատես Ասողիկը գրում է.

1. «Արկանէ (Սմբատ Թագավոր-Ռ.Վ.) Հիմն և մեծաչէն եկեղեցւոյն ի նոյն

²⁴ Կ.Բասմաճյանի և նրա Հետևորդությամբ Ա.Մանուկյանի և Պ.Մուրադյանի Հիշյալ փակագրերի վերծանությունը, այն է՝ «Բենիամին գրէ», Հերքվել է ուսումնասիրողների կողմից: Դրանց կարող ենք ավելացնել այն, որ առաջին փակագիրը մյուս երկուսից անջատված է վերջակետով, որը նշանակում է, որ այն թվական է:

²⁵ Ն.Ակինյան, նշվ. աշխ., էջ 539-541:

²⁶ Աշ.Աբրահամյան, Ժամանակագրական ճշտումներ, էջ 158-161:

²⁷ Ս.Ավագյան, նշվ. աշխ., էջ 20-22:

²⁸ Հ.Բաղդասար, Օրացույցի պատմություն, Ե., 1970, էջ 228-229:

քաղաքին Անույ ի ձեռն ճարտարապետին Տրդատայ, որ զկաջողիկառարանէն հիկեղեցին շինեաց յԱրգինայ»:

2. «...Կին նորա (Գաղիկ թագավորի-Ռ.Վ.) Կատրամիդէ թագուհի բարեպաշտուհի եղեալ, որ էր դուստր Վասակայ Սիւնեաց իշխանի շինեաց զՀիմնարկեալ եկեղեցին Սմբատայ ամենապայծառ վայելչութեամբ, բարձրաբերձ կամարօք զմբթաւորեալ խորան երկնանման, և զարդարեաց ի զտրդ ծիրանեծաղիկ ոսկեթել նկարագործ անկուածոց, արծաթեղէն և ոսկեղէն անօթոց և բաղմապայծառ լուսատու անօթոց վայելչութեամբ, որովք ջանալը ըստ երկնային կամարին կաթողիկէն սուրբ, որ ի քաղաքին Անույ»:

Այսպիսով Ասողիկի վկայութիւնները բերում են այն հետեւության, որ Անիի կաթողիկէն Սմբատ թագավորի հրամանով է սկսել կառուցել Տրդատ ճարտարապետը Արգինայի եկեղեցու կառուցման ավարտի տարում՝ 990 թվականին (կամ փոքր-ինչ ավելի շուտ): Այն ընդհատվել է Սմբատ Բագրատունու մահվան (991թ. ձմեռանը) հետևանքով, որը վերսկսել է նրա եղբոր՝ Գաղիկ թագավորի կինը՝ Կատրամիդե թագուհին և ավարտել 1002 թվականին: Ասողիկը, ինչպես հրեւում է նրա տեղեկութիւններից, Անիի մայր եկեղեցին տեսել է պատրաստ վիճակում և նկարագրել: Ոսումնասիրողների ուշադրութիւնը նից վրիպել է մի կարևոր և էական փաստ, այն, որ Ասողիկը իր պատմութիւնը, ինչպես հրեւում է զրքի Հիշատակարանի համաժամանակյա տարեթիվներից²⁹, ավարտել է 1005 թվականին: Հետևաբար՝ Անիի տաճարի շինարարական արձանագրության առաջին տողի համաժամանակյա տարեթիվը կառուցման ավարտի տարին են փաստագրել: Մանավանդ որ առաջին խմբի համաժամանակյա տարեթիվներից հետո գրված է. «շինեցի զսուրբ կաթողիկէս»:

Անիի կաթողիկէի շինարարական արձանագրության 19, 20 և մասամբ 21 տողերում փաստագրվել են երկրորդ խումբ համաժամանակյա տարեթիվը՝ թվականութան տարբեր համակարգերով, այն է՝ «ի վեց ՌՆԼ ԵԼ Գ(6433) ամացն Ադամա[յ], ի ՌԵԼ ԲԺ(1012) ամի Մարմնանալա[յ] աստուածն (կամ աստուածային) բանի, ՉԺԱ (711) ամի Հովստալո[յ] ի Քրիստոս Հայոց»:

Արարչության 6433 տարեթվի վերծանման հարցում ուսումնասիրողները համեմալի են, սակայն վերլուծութան մեջ՝ տարակարծիք, քանի որ այդքան էլ հատուկ պատկերացում չեն ունեցել արարչության Ե-եակ և տարբեր թվականների օրինաչափութիւնների մասին:

Բնադրում առկա քրիստոնեական հայկական թվականի համեմատութիւնը արարչության տարեթվի հետ ցույց է տալիս, որ նկատի է առնվել արարչության Ե-եակ կամ Շիրակացու թվականը: 6433-ից հանենք 1012, կստանանք արարչության Ե-եակ և քրիստոնեական հայկական թվականի 2-րդ տարբերակի տարբերութիւնը. այն է՝ 5421: Մի քանի վկայութիւնների³⁰ օգնութեամբ տեսնենք, թե ինչ օրինաչափութիւն ունի արարչության Ե-եակը մյուս թվականների հետ:

Վերը նշված համաժամանակյա տարեթիվը կունենան հետևյալ պատկերը:

²⁹ Ասողիկ, էջ 187, 256:

³⁰ Նույն տեղում, էջ 285, արձանագրութիւնը:

³¹ ՄՄ, ձեռ. 5736, 1315, էջ 452ա-453ա, Պետերբուրգի Արևելագիտութեան ինստիտուտի արխիվ, ձեռ. 65, ՄՄ, ձեռ. 7629, Մբ. Գևորգ եկեղեցու արխիվ (Լոնդոնի ցուցակ, էջ 5), Նրուսադեմի Ար. Հակոբ վանքի Մատենադարան, ձեռ. 2594 և այլն:

Աղյուսակ II

1	2	3	4	5
1	Ձեռագրերի թվականներ	Թվերից ստացված մնացորդները	19-ամյակի հմայտ. տարվա լուսնի լրումը	19-ամյակի 1-ին տարվա լուսնի լրումը
1.	Դիոնիսյան-Հայոց քրիստոնեական թվականի առաջին տարբերակ			
	6501/աբարչուցյան Շ-եակ թվական	3	A12	A4
	1077 (քրիստոնեական դիոնիսյան-Հայկական թվական)	13(-1)	A12	A13
	525 (Հայոց մեծ թվական)	12	A12	A13
2.	637 (Հայոց մեծ թվական)	10(-1)	A15	A13
	6612 (աբարչուցյան Շ-եակ թվական)	19	A15	A4
	1188 (քրիստոնեական դիոնիսյան-Հայկական թվական)	10(-1)	A15	A13
3.	6630 (աբարչուցյան Շ-եակ թվական)	18	M27	A4
	1206 (քրիստոնեական դիոնիսյան-Հայկական թվական)	9(-1)	M27	A13
	654 (Հայոց մեծ թվական)	8	M27	A13
	Հայոց քրիստոնեական թվականի 2-րդ տարբերակ			
1.	6464 (աբարչուցյան Շ-եակ թվական)	4(-3)	A4	A4
	1040 (քրիստոնեական Հայկական թվական)	14(-4)	A4	A13
	485 (Հայոց մեծ թվական թվական)	10	A4	A13
	1037 (քրիստոնեական դիոնիսյան թվական)	11(-1)	A4	A13
2.	6714 (աբարչուցյան Շ-եակ թվական)	7	M29	A4
	1293 (քրիստոնեական Հայկական թվական)	1(-4)=16	M29	A13
	739 (Հայոց մեծ թվական թվական)	17(-1)	M29	A13
	1290 (քրիստոնեական դիոնիսյան թվական)	17(-1)	M29	A13
	Հայոց քրիստոնեական թվականի 3-րդ տարբերակ			
1.	6606 (աբարչուցյան Շ-եակ թվ.)	13(-1)	A2	A4
	1183 (քրիստոնեական Հայկական թվական)	5(-3)	A2	A13
	630 (Հայոց մեծ թվական)	3(-1)	A2	A13
	1181 (քրիստոնեական դիոնիսյան թվական)	3(-1)	A2	A13

1	2	3	4	5
2.	6716 (արարչության Ե-եակ թվական)	9(-1)	A17	A4
	1293 (քրիստոնեական Հայկական թվական)	1(-3)=17	A17	A13
	740 (Հայոց մեծ թվական)	18(-1)	A17	A13
	1291 (քրիստոնեական դիոնիսյան թվական)	18(-1)	A17	A13
3.	6724 (արարչության Ե-եակ թվական)	17(-1)	A18	A4
	1301 (քրիստոնեական Հայկական թվական)	9(-3)	A18	A13
	748 (Հայոց մեծ թվական)	7(-1)	A18	A13
	1299 (քրիստոնեական դիոնիսյան թվական)	7(-1)	A18	A13
4.	763 (Հայոց մեծ թվական)	3(-1)	A2	A13
	1316 (քրիստոնեական Հայկական թվական)	5(-3)	A2	A13
	6739 (արարչության Ե-եակ թվական)	13(-1)	A2	A4
	1314 (քրիստոնեական դիոնիսյան թվական)	3(-1)	A2	A13

Վերը բերված աղյուսակների քննությունը ցույց է տալիս, որ արարչության Ե-եակ և Հայոց մեծ թվականների տարբերությունը հիմնականում ընդունվել է 5976: Այս թվականն են օգտագործել Հովհաննես Կոզեռնը, Հովհաննես Սարկավազը և այլ հեղինակներ³², իբրև արարչությունից մինչև Հայոց մեծ թվականը ընկած ժամանակահատված: Հովհաննես Սարկավազը այդ թվականն անվանել է Ե-եակ, իսկ Գրիգոր Տաթևացին՝ Երևակացու թվական³³: Հայկական տոմարական բնագրերում ասված է, որ պետք է 5976-ին գումարել Հայոց մեծ թվականը, կստացվի արարչության Ե-եակ թվականը: Սա նշանակում է, որ Հայոց մեծ թվականի կիրառողները արարչության Ե-եակ թվականի 5976 տարին համարժեք են ընդունել 552 ներկա թվականին: Հայտնի է, որ Հայոց մեծ թվականի առաջին տարին համընկնում է Հուլյան տոմարի երկու տարվա կեսերի հետ: Այդ իրողությունը գիտակցել են որոշ բնագրերի հեղինակներ: Ըստ Հակոբ Ղրիմեցու, արարչության Ե-եակ և Հայոց մեծ թվականի տարբերությունը 5975 տարի է³⁴: Սա ցույց է տալիս, որ արարչության Ե-եակ թվականից հանել է մեկ թիվ: Կան բնագրեր, երբ Հայոց մեծ թվականին մեխանիկորեն գումարել են 5976, ինչպես ասվում է թվականի կանոնում, նույնիսկ այն դեպքում, երբ Հայոց մեծ թվականին գումարվել է 551 (մինչև 1300թ.) և 550 (1320թ. հետո): Նման դեպքում արարչության Ե-եակ թվականից պետք է հանել մեկ, ինչպես արվել է աղյուսակում, կամ երկու թիվ (ուշ միջնադար), որպեսզի ստանանք և՛ ճիշտ թվականը, և՛ 19-ամյակի տարին:

³² Մ. Չամչեան, նշվ. աղյուսակ, էջ 509; Հովհաննես Իմաստասերի մատենագրությունը, էջ 224:

³³ Գրիգոր Տաթևացի, Գիրք Հարցմանց, Կ. Պոլիս, 1729, էջ 451:

³⁴ ՄՄ, ձեռ. 1999, էջ 22ա-բ, 62ա և այլն:

³⁵ Նույն տեղում, ձեռ. 1114, էջ 5ա (6840-865+5975):

Այսինքն՝ արարչության Ծ-եակ թվականի 5974 տարին համարժեք է 550 թվականին, 5975-ը՝ 551-ին, 5976-ը՝ 552-ին, 5977-ը՝ 553-ին և այլն:

Աղյուսակից միաժամանակ երևում է, որ արարչության Ծ-եակ և քրիստոնեական դիոնիսյան թվականների տարբերությունը 5424 է: Այսպես է նաև արարչության Ծ-եակ և Հայոց մեծ թվականից ստացված այն խմբի համար, որոնց գումարվում է 552: Արարչության Ծ-եակ և քրիստոնեական դիոնիսյան թվականների տարբերությունը՝ 5425-ը և 5426-ը ցույց է տալիս, որ Հայոց մեծ թվականին գումարվել է 551 և 550. արարչության Ծ-եակ թվականից պետք է Հանել մեկ և երկու տարի: Արարչության Ծ-եակ և քրիստոնեական Հայկական թվականների 2-րդ և 3-րդ տարբերակների տարբերությունը 5421 և 5423 է, այսինքն՝ միշտ փոքր քրիստոնեական դիոնիսյան թվականի տարբերությունից: Այս դեպքում տարբերությունը պետք է գումարել երեք և մեկ տարի, որովհետև դրանք քրիստոնեական Հայկական թվականի այն տարբերակներն են, որոնց հեղինակները կարծել են, թե Հայոց մեծ թվականի առաջին տարին համարժեք է 554 և 556 ներկա թվականներին: Արարչության Ծ-եակ և քրիստոնեական Հայկական թվականների տարբերությունը դարձել է 5421 և 5423: Հետևաբար՝ արարչության Ծ-եակ և քրիստոնեական թվականների տարբերությունը 5424 է, տվյալ Ծ-եակ թվականից որևէ թիվ չի Հանվում, որովհետև դրանք համարժեք են, իսկ երբ տարբերությունը 5425 և 5426 է, արարչության Ծ-եակ թվականից Հանվում է մեկ և երկու միավոր, վերջապես՝ 5421 և 5423 տարբերության դեպքում դրանց գումարվում է երեք և մեկ, քրիստոնեական թվականից Համապատասխանորեն Հանվում է երեք և մեկ: Այլ խոսքով՝ արարչության Ծ-եակ և քրիստոնեական դիոնիսյան թվականների տարբերությունը միշտ 5424 է, քրիստոնեական Հայկական թվականներինը տարբեր:

Ակնհայտ է, որ արարչության Ծ-եակ և քրիստոնեական դիոնիսյան թվականների տարբերությունների համար ուսումնասիրողների փաստարկած մի շարք թվեր ընդունելի չեն (5423՝ Ն.Ակիսյանի և Աշ. Աբրահամյանի, 5422՝ Աշ. Աբրահամյանի և այլն): Արարչության Ծ-եակ և մյուս թվականների օրինաչափությունների բացահայտումից հետո դժվար չէ պարզել քննարկվող արարչության Ծ-եակ և այլ թվականների էությունը և դրանք վերածել ժամանակակից թվականի: Այն հնարավորություն է տալիս ճշտել Անիի կաթողիկոսի արձանագրության համաժամանակյա տարեթիվը:

Անիի մայր տաճարի արձանագրության քնադրում հիշատակված 6433 արարչության Ծ-եակ թվականից Հանելով 1012 քրիստոնեական Հայկական թվականը, ստանում ենք 5421: Ուրեմն՝ քրիստոնեական դիոնիսյան թվականը գտնելու համար արարչության Ծ-եակ թվականից ստացված տարբերությունը, այն է՝ 5421, պետք է գումարել երեք միավոր, այսինքն՝ ստանալ 5424 (5421+3):

Պարզ է, որ փաստագրված քրիստոնեական Հայկական թվականից, այն է՝ 1012, պետք է Հանել երեք թիվ, որպեսզի քրիստոնեական Հայկականից (թվականի երկրորդ տարբերակը) ստանանք քրիստոնեական դիոնիսյան թվականը, քանի որ դրանք փոխադարձ կապի մեջ են:

Այլ խոսքով՝ վկայված 6433 թվից Հանենք 5424, կստանանք 1009 թվական:

Անիի մայր տաճարի արձանագրության մեջ հաջորդ համաժամանակյա տարեթիվը նշվել է այսպես՝ «Ի Ռ եւ ԲԺ ամի մարմնալո [յ] Աստուածն (կամ աստուածային) թանի», այսինքն՝ քրիստոնեական Հայկական թվականի երկրորդ տարբերակն է: Բնագրի մեջ թվականը գրվել է ՌԵԻԲԺ, որը տարակարծության

տեղիք է տվել: Ա.Մանուչարյանը կարծել է, որ այդ թիվը պետք է հաշվալ ՌԲ եւ ԲԺ և ընկալել է կա՛մ $1000+20=1020$ թ., կա՛մ $1002-20=1022$ թ., կա՛մ $1000+2+12=1014$ թ.³⁶: Հարկ է նշել, որ ԲԺ-ն երբեք չի հասնա՞ցվել: Այն պրոբլեմն է հին ձև է և պետք է ընկալել «երկուտասան», այսինքն՝ 12:

Արձանագրության մեջ տասն անգամ օգտագործվել է Բ տառը: Միայն վերոհիշյալ դեպքում, այն է՝ թվացյալ կցագրի ժամանակ, գրաի երբի վրա, ձախ Հորիզոնական գծի վերջում ունի խորացված մաս: Ի դեպ, բնագրում պատահող ր և Թ տառերի ձախ Հորիզոնական գծի վրա նույնպես բացակայում է խորացված մասը: Հետաքրքիր է, որ Ե տառի բոլոր վերահանգրվածները խորացված են: Մեր կարծիքով, այն կցագիր չէ: Այդ տառը պետք է կարդալ միայն Ե: Գրիչը պարզապես սխալ է թույլ տվել, նախապես գրել է ՌԲԺ, սակայն սխալը նկատել է և ուղղել՝ գրելով ՌԵԼ ԲԺ, այսինքն՝ 1012: Բնագրում տեղ է գտել քրիստոնեական Հայկական 1012 թվականը: Հարկ է նշել, որ Հայ մատենագրության մեջ առկա է քրիստոնեական Հայկական թվականի երեք տարբերակ: Ուսումնասիրողներին դուրին չէ եղել կողմնորոշվել և ճիշտ ընկալել այդ Համաժամանակյա տարեթիվը: Ասենք միայն, որ օգտագործելով քրիստոնեական Հայկական թվականի երրորդ տարբերակը, նրանք գտել են ներկա թվականը, այն է՝ 1012-ից Հանել են երկու տարի և ստացել 1010 թվական: Ի դեպ, քրիստոնեական Հայկական թվականի վերոհիշյալ տարբերակը դեռևս չէր ստեղծվել, Հետևաբար Հիշյալ մեկնությունը ընդունելի չէ: Ուսումնասիրողների կողմից արձանագրված քրիստոնեական Հայկական թվականի երրորդ տարբերակը ստեղծել է Գեորգ Մեղրիկը, ինչպես նշել է Սամվել Անեցին³⁷, և Հայկական սկզբնաղբյուրում այն առաջին անգամ օգտագործվել է XII դ. սկզբներին՝ Հովհաննես Սարկավազի կողմից: Այն օգտագործվել է նաև Սամվել Անեցին:

Արարչության Ե-եակ թվականի վերլուծությունից պարզ է դառնում, որ ընագրում վկայված է քրիստոնեական Հայկական թվականի այն տարբերակը, որը երբեք տարրով ավելին է, քան քրիստոնեական դիոնիսյանը: Հովհաննես Սարկավազը վկայում է³⁸, որ Բրիտանիայի ծննդից մինչև Հայոց մեծ թվականը 553 տարի է, իսկ ոմանք հաշվել են 556 տարի, այսինքն, երեք տարի ավել: Նա նկատի է ունեցել քրիստոնեական Հայկական թվականի 3-րդ և 2-րդ տարբերակները: Վերջին թիվը՝ 556-ը, Սարկավազը սխալ է համարում, սակայն, ինչպես երևում է Հայերեն վիմագիր և գրչագիր Հիշատակարաններից, այդ թիվը գումարելով Հայոց մեծ թվականին՝ ստացել են քրիստոնեական Հայկական թվականի երկրորդ տարբերակը: Ընդ որում, ոչ միայն մինչև Սարկավազը, այլև՝ Հետագայում:

Բերենք քրիստոնեական Հայկական թվականի 2-րդ տարբերակի վկայություններից մի քանիսը³⁹:

Վերոհիշյալ վկայությունների թվականները կուսենան Հետևյալ տեսքը.

³⁶ Ա.Մանուչարյան, նշվ. աշխ., էջ 208:

³⁷ Սամուէլի քահանայի Անեցւոյ Հաւաքմունք ի գրոց սլաւոնագրոց, Վաղարշապատ, 1893, էջ 75:

³⁸ Հովհաննես Իմաստասերի մատենագրությունը, էջ 278-79:

³⁹ Սր. Գեորգ Եկեղեցու արձանագրությունը, Գ.Հովսեփյան, Հիշատակարանք, հ. 1, Անթիլիաս, 1959, էջ 356, ՄՄ, ԺԿ. 5736, Մ.նորէնացի, Պատմութիւն Հայոց, Ե., 1940, էջ ԺԸ և այլն:

Աղյուսակ III

Թիվ	Ձուգահեռ թվականներ	Թվերից ստացված մնացորդ- ները	19-ամյակի իմաստ. տարվա լուսնի լրումը	19-ամյակի 1-ին տարվա լուսնի լրումը
1	2	3	4	5
1.	1040 (քրիստոնեական Հայկական թվական)	14(-4)	A4	A13
	485 (Հայոց մեծ թվական)	10	A4	A13
	1037 (քր. դիոն. թվ.)	11(-1)	A4	A13
2.	1149 (քր. Հայկ. թվ.)	9(-5)	A10	A13
	599 (Հայոց մեծ թվական)	4	A10	A13
	1145 (քր. դիոն. թվ.)	5(-1)	A10	A13
3.	1276 (քր. Հայկ. թվ.)	29(-5)=17	A17	A13
	720 (Հայոց մեծ թվ.)	17	A17	A13
	1272 (քր. դիոն. թվ.)	18(-1)	A17	A13
4.	1293 (քր. Հայկ. թվ.)	1(-4)=16	M29	A13
	739 (Հայոց մեծ թվ.)	17(-1)	M29	A13
	1290 (քր. դիոն. թվ.)	17(-1)	M29	A13
5.	1297 (քր. Հայկ. թվ.)	5(-4)	A13	A13
	742 (Հայոց մեծ թվ.)	1	A13	A13
	1294 (քր. դիոն. թվ.)	2(-1)	A13	A13
6.	7086 (աղաբյ. Շ-հակ թվ.)	18(-1)	A7	A4
	1110 (Հայոց մեծ թվ.)	8(-1)	A7	A13
	1661 (քր. դիոն. թվ.)	8(-1)	A7	A13

Բերված վկայություններից երևում է, որ քրիստոնեական Հայկական թվականի 2-րդ տարբերակը ստանալու Համար Հայոց մեծ թվականին գումարել են 555 (2-րդ և 3-րդ օրինակներում 556, 4-րդ օրինակում 554) : Քրիստոնեական Հայկական թվականի տարբերակներից մեկի կանոնն ասում է, որ եթե Հայոց մեծ թվականին գումարենք 556, կստանանք Քրիստոսի թվականը :

Ակնհայտ է, որ Իմաստասերի վկայած 556 թիվը մեխանիկորեն մուծվել է քրիստոնեական Հայկական թվականի տարբերակներից մեկը ստանալու թվականի կանոնի մեջ: Հովհաննես Սարկավազի ցուցումը և աղյուսակ III-ի 2-րդ և 3-րդ օրինակները թույլ են տալիս պնդել, որ կատարվել է մեկ տարվա մեխանիկական սխալ և առաջացել է քրիստոնեական Հայկական թվականի 2-րդ տարբերակի մեկ այլ տարբերակ, որտեղ քրիստոնեական դիոնիսյան թվական ստանալու Համար գումարվել է ոչ միայն երեք, այլև չորս տարի կամ Հայոց մեծ թվականին գումարվել է ոչ միայն 555, այլև 556: Ակնհերձաբար քրիստոնեական Հայկական թվականի 2-րդ տարբերակը առաջացել է Անիում, մանավանդ որ

⁴⁰ ՄՄ, ձեռ. № 1999, էջ 62ա-բ:

Հնագույն վկայությունները գտնում ենք Անիի վիմագիր և ձեռագիր Հիշատակարաններում: Համաժամանակյա տարեթվերի քննությունից երևում է, որ կաթողիկեի արձանագրության դրոշմողը՝ Բենեն այն ուղղության ներկայացուցիչներից էր, որոնք Քրիստոսի ծննդից մինչև Հայոց մեծ թվականի առաջին տարին հաշվել են 556-ը: Այդ ստացվում է ինչպես արարչության Ծ-եակ, այնպես էլ քրիստոնեական հայկական թվականից Հայոց մեծ թվականի տարին գտնելով, այս է՝ 457 (6433-5976 և 1012-555): Այսպիսով պարզ է դառնում, որ քրիստոնեական դիոնիսյան թվական ստանալու համար քրիստոնեական հայկական թվականի 2-րդ տարբերակից պետք է հանել երեք տարի (ուշ շրջանում նաև 4 տարի) կամ գտնված Հայոց մեծ թվականին գումարել 552: 1012-ից հանենք 3, կստանանք 1009 թ.: Հետևաբար՝ երկրորդ համաժամանակյա տարեթիվը ևս ցույց է տալիս, որ արձանագրությունը գրվել է 1009 թվականին:

Անիի մայր տաճարի արձանագրության Հաջորդ համաժամանակյա տարեթիվը հետևյալն է. «ԶԺԱ ամի Հաւատալոյ» ի Քրիստոս Հայոց»: Պարզվում է, որ քնագիրը արձանագրվել է նաև Հայոց քրիստոնեության դարձի 711 տարում: Հ. Օրբելին այդ թիվը վերծանել է ՉԼԺ⁴¹, որին հետևել է Ա.Մանուկ-Հարյանը⁴²: Արձանագրության մեջ այդ թիվը գրված է ՉԼԺԱ: Փորագրողը սկզբում սխալմամբ դրել է ՉԼԺԱՄԻ, սակայն հետագայում, տեսնելով իր կատարած սխալը, Մ տառի ներքևում ավելացրել է մի ստեղծ՝ դարձնելով լիցադիր Ա՝ այսինքն, քնագրում կլինի ՉԼԺԱԱՄԻ: Պարզ է, որ Ը-ն արդյունք է դրչական սխալի: Այն պետք է կարդալ ՉԺԱ(711)ԱՄԻ: Վկայված քրիստոնեական հայկական թվականից հանենք վերոհիշյալ տարեթիվը, կստանանք 301 (1012-711), իսկ ստացված քրիստոնեական դիոնիսյան թվականից հանելով նույն թիվը, կստանանք 298 (1009-711):

Ուսումնասիրողներից ոմանք 711-ին գումարել են 301 և ստացել քրիստոնեական դիոնիսյան թվականը, այն է՝ 1012 և դրանից, առանց պատճառաբանելու, հանել են մեկ կամ երկու տարի: Մինչդեռ 1012 թվականը քրիստոնեական հայկական թվականի 2-րդ տարբերակն է, որը երեք տարով ավելի է, քան քրիստոնեական դիոնիսյան թվականը:

Բանն այն է, որ Հայոց քրիստոնեության դարձի կամ լուսավորության, կամ Գրիգոր Լուսավորչի թվականը չի կարող հաստատել կամ հերքել երկու համաժամանակյա թվերով մեր ստացած քրիստոնեական դիոնիսյան թվականը, այն է՝ 1009-ը: Բանի որ Հայոց քրիստոնեության դարձի թվականի ստույգ տարին Հայտնի չէ, այն ըստ Հայ մատենագրական վկայությունների տատանվում է 276-312 թվականների սահմաններում: Հայոց դարձի թվականներն են՝ 276 (Կոզեոն), 301 (Ասողիկ), 304 (Սարկավագ), 305 (Սամվել Անեցի), 310, 312 և այլն⁴³:

Հայկական տոմարական կանոններում⁴⁴ Հայոց քրիստոնեության դարձի թվականը գտնելու համար սահմանվել է հետևյալ կանոնը. եթե վերջինք 276-ը, 251/2-ը, 246/7-ը, 241/2-ը և գումարենք Հայոց մեծ թվականը, կստանանք Գրիգոր Լուսավորչի թվականը: Պատահում է նաև, որ քնագրերում թեև կանոնը բերվել է, սակայն ստացվում է այլ, քան իրենց իսկ վկայած թվականները: Պարզ է, որ Հայ միջնադարի հեղինակները ունեցել են Հայոց քրիստոնեության դարձի իրենց սեփական, առնվազն չորս խումբ կազմող, թվականները: Եթե հաշվենք

⁴¹ Հ. Օրբելի, նշվ. աշխ., էջ 35:

⁴² Ա. Մանուկ-Հարյան, նշվ. աշխ., էջ 208:

⁴³ ՄՄ, ձեռ. 1999, էջ 62ա-ը:

⁴⁴ Նույն տեղում:

19-ամյակի տարիներով, ապա 1-ին տարին A13-ը ընդունելու դեպքում Հայոց քրիստոնեական դարձի թվականը կստացվի 287-ը կամ 306-ը: Առաջին տարին A4-ը Հաշվելու դեպքում կունենանք 296 և 315 քրիստոնեական դիոնիսյան թվականները: Դրանք քրիստոնեական Հայկական թվականի տարբերակներով կլինեն մեկ, երկու և երեք (չորս) տարով ավելի:

Հայերեն ձեռագիր Հիշատակարանների Հեղինակներից շատերը Հիմնականում խուսափել են իբրև Համաժամանակյա թիվ օգտագործել Գրիգոր Լուսավորչի թվականը: Սակայն առկա են փաստագրված նյութեր:

Արձանագրության երկրորդ խմբի Համաժամանակյա տարեթվերով Հայտնի է դառնում, որ ընագիրը գրվել է 1009 թվականին: Դիմենք Հիշյալ թվականը Հաստատող մատենագրական վկայություններին:

Սամվել Անեցի. «ՌԺԱ (1011) կաթողիկէն սխրատեսիլ՝ զոր Հիմնադրեաց Սմբատ յիւրում քաղաքին յԱնի, աստանօր գլխաւորեցաւ հրամանաւ և արդեամբ Կատրամիզեայ թագուհւոյ, որ էր կին Գաղկա Շահանշահի՝ եղբոր Սմբատայ»:

Հովհաննես Սարկավազի ժամանակագրության մեջ՝ «ՆԾԷ (457) կինն Գաղկա[յ] Կատրամիտէ շինէ զկաթողիկէն յԱնի»⁴⁵: Ինչպես Հայտնի է, Սամվել Անեցի քրիստոնեական թվականները տվել է քրիստոնեական Հայկական թվականի 3-րդ տարբերակով, որը երկու տարի ավելի էր քրիստոնեական դիոնիսյան թվականից: Ուստի՝ 1011-ից Հանենք երկու, կստանանք 1009թ.: Սարկավազի ժամանակագրության մեջ փաստարկված Հայոց մեծ թվականին, այն է՝ 457, գումարենք 552, կստանանք 1009 թվական:

Պարզվում է, որ Սամվել Անեցին և Հովհաննես Սարկավազը Անիի մայր եկեղեցու արձանագրության գրման թվականը չփոխել են տաճարի ավարտի թվականի հետ:

Անիի կաթողիկեի արձանագրության Համաժամանակյա տարեթվերի քննությունը հնարավորություն է տալիս ներկայացնելու հետևյալ աղյուսակը:

Աղյուսակ IV

Ձուգահեռ թվականներ	Թվերից ստացված մնացորդները	19-ամյակի Հմա. տարվա լուսնի լրումը	19-ամյակի 1-ին տարվա լուսնի լրումը
1-ին խումբ			
450 (Հայոց մեծ թվական)	13	A1	A13
2[22] (Հռոմեական փոքր թվական)	13	A1	A13
393(Հիֆրայի թվական)	—	—	—
1002 (քրիստոնեական դիոնիսյան թվական)	14(-1)	A1	A13
2-րդ խումբ			
6433 (արարչության Ե-եակ թվ.)	11	A13	A4
1012 (քրիստոնեական Հայկական թվական)	5(-3-1=4)	A13	A13
711 (Հայոց քրիստոնեության դարձի թվական)	8(+3)	A13	A4
[457 (Հայոց մեծ թվական)]	1	A13	A13
1009 (քրիստոնեական դիոնիսյան թվական)	2(-1)	A13	A13

⁴⁵ Սամուէլի քահանայի Անեցւոյ, Հաւաքմունք..., էջ 104-105:

⁴⁶ Հովհաննես Իմաստասերի մատենագրություն, էջ 134:

Համաժամանակյա տարեթիվերի և մատենագրական վկայությունների ուսումնասիրությունը բերում է այն համոզման, որ Անիի մայր եկեղեցու կառուցումը Տրդատ ճարտարապետը սկսել է Սմբատ թագավորի հրամանով 990 թվականին (կամ փոքր ինչ շուտ), Արգինայի կառուցման ավարտից տարում:

Սմբատ արքայի մահից հետո (991թ. ձմռանը) կաթողիկոս չինարարությունը Գաղիկ թագավորի հրամանով և Կաղրամիդե թագուհու և Սաբգես կաթողիկոսի բանակցությունները բերել են այն բանին, որ վերջինս Հրամայել է մայր տաճարի սպասավորներին՝ թագուհու մահից հետո վարդապետին շարունակաբար պատարագ տալ՝ մինչև Քրիստոսի գալուստը: Կաթողիկոսի հրամանով Անիի մայր տաճարի կառուցումն ավարտելու առիթով գրված հրովարտակը 1009 թվականին արձանագրվել է կառույցի հաջավային ճակատի արևմտյան մասում:

СИНХРОННЫЕ ДАТЫ НАДПИСИ АНИЙСКОГО КАФЕДРАЛЬНОГО СОБОРА

Р.О. ВАРДАНЯН

Р е з ю м е

Анализ синхронных дат надписи Анийского кафедрального собора, а также изучение письменных источников показывает, что строительство Анийского кафедрального собора архитектор Трдат начал по указу царя Смбата в 990 году (или чуть ранее – в 989г.), в год завершения строительства церкви в Аргине. После смерти царя Смбата, зимой 991г., строительство кафедрального собора Ани было продолжено по указу царя Гагика и его супруги царицы Катрамиде, на ее средства. Оно было завершено в 1002 году. В результате переговоров между царицей Катрамиде и католиком Саргисом последним был дан указ служителям Анийского кафедрального собора каждый год после смерти царицы в праздник Вардавар служить обедню (патарак) по ней.

Этот указ был высечен в западной части южной стены храма в 1009 году, где также указана дата завершения строительства кафедрального собора (1002г.).